



**PARLAMENTO NACIONAL DE TIMOR-LESTE**  
**Comissão de Finanças Públicas**

---



**RELATORIU FISKALIZASAUN IHA MUNISÍPIU MANATUTO**

01 de julho de 2020



## PARLAMENTO NACIONAL DE TIMOR-LESTE

### Comissão Finanças Públicas

#### Sumário

- I. Enkuadramentu Legal
- II. Método Fiskalizaun
- III. Kompozisaun Delegasaun
- IV. Atividades Realizadas
- V. Informação Município Manatuto
- VI. Resumo Atividades Realizada
- VII. Konkluzsaun
- VIII. Rekomenda  
saun
- IX. Aprovação

## **I. ENKUADRAMENTU LEGAL**

Comissão das Finanças Públicas do Parlamento Nacional, halao fiscalização baseia ba artº. 92º, 95º, n.º 3 alínea e), combinado ho artº. 145.º n.º 3) Constituição da República Democrática de Timor-Leste, no mos baseia ba artº 35º alínea c), combinado ho artº 79º alínea f) Regimento do Parlamento Nacional.

Bazeia ba artigu hirak refere iha leten, komisaun defini no hatur planu visita fiskálizasaun durante implementasaun estadu emerjensia relasiona ho Pandemia COVID-19. Objetivo husi fiskalizasaun ida ne'e atu inteira no aprofunda progressu no dezafius ne'ebé autoridade munisipál Manatuto infrenta, iha periode implementasaun estadu emerjensia. Orsamentu COVID-19 nia ne'ebé parlamentu aprova ne'e Governo ezekuta hahú husi fulan janeiro to'o fulan junho tinan 2020, tanba ne'e Parlamentu nudar orgaun fiskalizador halo akompanhamentu, liu-liu servisu tematika Komisaun Finansas Públicas, hodi hatene nia progeressus ezekusaun ba orsamentu, resultados no obstakulus ne'ebé autoridades município Manatuto enfrenta iha terenu.

Iha planu implementasaun programa fiskálizasaun, komisaun desidi hodi limita nia atividades fiskálizasaun ba deit assuntu ne'ebé liga ba ezekusaun ba orsamentu COVID-19 no ezekusaun orsamentu duodesimál, tuir área temátika ne'ebé trata husi comissão C, iha biban ne'e komisaun identifika prioridades hirak ne'ebé mak sai nudar tópiku ba fiskálizasaun hanesan, ezekusaun ba orsamentu duodesimal no ezekusaun ba orçamento ba programa subsidiu ba uma kain durante implementasaun estadu emerjensia iha munisipiu Manatuto.

## **II. Métopu Fiskálizasaun**

### **a. Enkontru**

Enkontru nudar meu ida atu rona husi autoridades munisípál relasiona implementasaun programa governu no hatene nia progresu no obstákulus durante implementasaun estadu emerjensia.

### **b. Observasaun**

Hare besik liu prosesu implementasaun programa ne'ebé liga ho area temátika komisaun C, mak hanesan finansas publikas espesifikamente iha prosesu Ezekusaun orsamentu COVID-19 no dotasaun orsamentu transitório.

### **c. Dokumentasaun**

Rekolha informasaun liu-husi dokumentus digitais ne'ebé liga ho fiskálizasaun komisaun iha munisípál sira relasiona programa governu durante implementasaun estadu emerjensia no ezeekusaun orsamentu COVID-19 no DOT ne'ebé Parlamentu aprova.

## **III. KOMPOZISAUN DELEGASAUN**

Membru delegação komisaun C ne'ebé mak desloka ba Municipio Manatuto kompostu husi:

1. Deputada Maria Angelica R. da C dos Reis, **(Presidente)**
2. Deputada Rosalina Ximenes, **(Vice-presidente)**
3. Deputada Nélia Soares Menezes, **(Secretaria)**
4. Deputado Silvino Adolfo Morais, **(Membro)**
5. Deputada Noémia Sequeira, **(Membro)**
6. Deputado António M. N. Amaral Tilman, **(Membro)**
7. Deputada Maria Terezinha Viegas, **(Membro)**
8. Deputada Maria Fernanda Lay, **(Membro)**
9. Deputada Isabel Maria B. F. Ximenes, **(Membro)**
10. Deputado António da Conceição, **(Membro)**

- |                                       |                       |
|---------------------------------------|-----------------------|
| 11. Deputado António de Sa Benevides, | <b>(Membro)</b>       |
| 12. Afonso Cassiano Ramos,            | <b>(Técnico)</b>      |
| 13. Simplicio Gomes,                  | <b>(Técnico)</b>      |
| 14. Nazaret A. G da Silva             | <b>(Técnico RTPN)</b> |

Senhores Deputados Duarte Nunes, António Maria Nobre Amaral Tilman no Maria Angelina Lopes Sarmento la participa tanba iha assunto seluk.

#### **IV. ATIVIDADES REALIZADAS**

Iha visita ne'e delegasaun komisaun C, hala'o reuniaun ho Prezidente autoridade munisipál Manatuto no kargu direasaun chefiás iha munisipiu Manatuto. Komisaun C konsentra nia fiskalizaun ba atividades 2 mak hanesan:

1. Ezekusaun ba Dotasaun Orsamentu Transitóriu (DOT)
2. Ezekusaun ba orsamentu COVID-19 ne'ebé Parlamento Nacional aprova.

#### **V. INFORMASAUN MUNISIPIU MANATUTO**

##### **Munisipiu Manatuto**

Munisipiu Manatuto ne'ebé ho nia luan hamutuk 1,785.96 km<sup>2</sup>, ho total populasaun hamutuk 46,619 tuir sensus 2015. Total postus administrativus hamutuk 6, sukus 31 no aldeias 103. Husi total postus administrativus refere ho nia dados servidores estadu (funisionarius publiku) hamutuk 1,220, ne'ebé desagrega ba permanente 958 pessoas no kontratados 269, hanesan deskreve iha tabela tuir mai:

Direcção	Funcionario		Total
	Permanente	Contratado	
Secretariado Administrasaun /MAE	47	0	47
PNDS	25	2	27
ETAE	6	0	6
Saúde	197	58	255
Edukasaun	469	161	630
Kultura e Turismo	1	1	2
Sedpac	1	0	1
Protesaun Civil	3	0	3
Agua Saneamento e Ambiente	14	4	18
Agrikultura	70	32	102
DNSEP	48	0	48
IADE	5	0	5
DNTPC	7	0	7
CNE	5	0	5
MSS	23	0	23
Meio Ambiente	3	1	4
Recursu Naturais	1	0	1
SEJT	1	4	5
DNPKK	1	0	1
Obras Publiku	12	0	12
EDTL	18	0	18
Estatistica	2	3	5
<b>Total</b>	<b>958</b>	<b>269</b>	<b>1,220</b>

**Fonte:** Secretariado Administração (ESTATAL) Município de Manatuto

Husi dadus funcionáriuus iha leten, governu central descentraliza ona servisu no orsamentu ba iha autoridade munisipál mak hanesan:

No.	Servisu Municipal	Ministério
1	Servisu munisipál saude	Ministério Saúde
2	Servisu munisipál Edukasaun	Ministériu Edukasaun Juventude no Desporto
3	Servisu munisipál Agricultura	Ministériu Agrikultura
4	Servisu munisipál Obras publika no	Ministériu Obras pública no Ministériu

	Telekomunikasaun	Telekomunikasaun
5	Servisu munisipál de água e saneamentu	Ministériu Obras pública
6	Servisu munisipál de Jestaun Merkado no Turismu	Ministériu Turismu
7	Servisu munisipál de asaun sosial no Jestaun ba Dezastre Naturais	Ministériu Solidariedade Sosial no inserasaun

Iha mos servisu munisipál terras no propriedades (DNTP), ne'ebé iha ona destakamentu ba diretor maibe sidauk iha desentralisaun ba orsamentu.

## **VI. REZUMU ATIVIDADES REALIZADAS**

### **a. Enkontru ho Prezidente autoridade munisipiu Manatuto no Kargu diresaun Chefias**

Komisaun Finansas Públikas realiza enkontru ho prezidente autoridade munisipiu Manatuto no diresaun chefias, reuniaun ne'e prezidente autoridade munisipiu Manatuto hato'o nia bem-vindo, no introduz servisu administrasaun no informa kona ba ezekusaun ba dotasaun orsamentu transitório (DOT), ne'ebé hahu husi fulan Janeiro to'o fulan Maiu 202. Munisipiu Manatutu ezekuta ona DOT ho total **\$704,415.60** Dólares Amerikanu koresponde (61,8%), Prezidente munisipiu mos akresenta katak programa balun hanesan programa merenda eskolar no relatóriu husi postu administrativu ne'ebé relata tarde, fo impaktu ba ezekusaun DOT hodi labele to'o 100%.

Ezekusaun fundu Covid-19 sentraliza iha MSSI no hala'o ona pagamentu hahu iha 11 Junho 2020 ho total 13,723 chefe familias husi munisipiu Manatuto. Benefisiarius husi programa ne'e ho nia total pagamentu hamutuk \$2,744,600 Dólares Amerikanu. Durante implementasaun estadu emerjensia Munisipiu Manatuto sai mos fatin quarentena ba estudantes ne'ebé fila husi rai liur impaku husi pandemia Covid-19, maibe pagamentu ba hotel no servisu katering seidak iha pagamentu.

Iha reuniaun ne'e deputados Comisaun Finansas Públikas hato'o mos questoes ne'ebé hanesan:

1. Diferensia perdiem entre funsionarius nasional no munisipál, ho servisu ne'ebé kuaze hanesan maibe iha diferensian montante ba perdiem;
2. Funsionarius servisu sosial ezerse sira nia funsaun iha munisipiu Manatutu durante implementasaun estadu emerjensia maibe lahetan direitu ba subsidiu frontline;
3. Kareta VPU ne'ebé ho kondisaun estraga maibé laiha manutensaun;
4. Funsionarius iha munisipiu Manatuto ne'ebé hasai nia osan rasik durante halaó servisu, tulan vitima husi postus administrativu;
5. Relasiona ho menus facilidades hanesan kareta ba servisu soliedariedade sosial munisipál



Manatuto, oinsa parte servisu MSSSI halo atendimentu ba ema kb'it laek, idosos no orfanatos.

6. Konsensoens eskolar Maiu-Junho laiha;
7. Kondisaun irigasaun iha manatuto;
8. Progressos ba rehabilitasaun estrada rurais iha Manatuto.

#### **b. Servisu Finansas Munisipál Manatuto**

Diretur servisu finansas munisipál Manatuto relata kona ba ezekusaun dotasaun orsamentu transitório (DOT) to'o fulan Maio 2020, Hanesan deskreve iha tabela tuir mai:

**Tabela 1. Dotasaun Orsamentu Tranzitoriu (DOT), munisípiu Manatutu no nia ezekusaun tuir**

Kategória	Budget	Real	Saldo	Execução %	kateg
Salary & Wages	\$438,224.00	\$321,085.19	\$117,138.81	73.27%	oria
Goods & Services	\$552,529.00	\$284,113.16	\$268,415.84	51.42%	to'o
Transfers	\$148,130.00	\$99,217.25	\$48,912.75	66.98%	Maio
	\$1,138,883.00	\$704,415.60	\$434,467.40	61.85%	

2020,

#### **Fontes : Diresaun Finansas Munisipál Manatuto**

Total ezekusaun orsamentu husidiresaun finansas munisipál Manatutu, ezekusaun dotasaun orsamentu tranzitoriu ho montante **\$704,415.60** Dólares amerikanu, representa **61.8%** to'o 30 Maiu 2020, husi categoria 3 (tolu) ne'ebé hetan alokasaun DOT. Haktuir ba tabela iha leten, ezekusaun ba categoria salariu no vensimentos atinji **73.27 %**, valor ne'e konsidera ki'ik haktuir ba natureza ezekusaun DOT ho karater mensal.

Ezekusaun Orsamentu ne'ebé aloka ba categoria Bens no servisu ki'ik ho montante 51.42%, ho razaun orsamentu ba programa merenda eskolar la konsege ezekuta durante aplikasaun dotasaun orsamentu transitória no Servisu munisipál ba rejistus, notariado no servisu kadastrais iha mos alokasaun ba DOT maibé laiha baze legal hodi ezekuta orsamentu refere.

Ezekusaun ba categoria transferências publika ne'ebé nia destinasun hodi selu autoridade lokal iha munisipiu refere nia ezekusaun atinji **66.98%**, husi montante \$148,130 dollares Amerikanu ba

kategoria refere.

Relasiona tabela ezekusaun iha leten bele konsidera katak rasionalizasaun ba planu seidauk eficiente, nakait ba ezekusaun ba salario no vensimentus ne'ebé lolos ezekuta 99-100%, ho razaun kategoria refere hodi selu salários ba funsionários, ou bele iha hanoin katak seidauk iha pagamentu salariu ba funsionários iha munisipiu refere tambá saldo husi kategoria refere sei iha 27,73% husi montante ne'be aloka iha DOT hahu husi Janeiro to'o maio 2020.

**Tabela 2.**

**Dotasaun Orsamentu Tranzitoriu (DOT) munisípiu Manatutu no  
nia ezekusaun tuir diresaun servisu munisipais,**

No.	Servisu Munisipál	Orsamentu/Kategoria	Orsamentu (Janeiro-Maio 2020)	Ezekusaun (Janeiro-Maio 2020)	% Ezekusaun
1	Sekretariado Administrasaun Munisipiu	Salario no Vensimentos	193,429	139,272	72.0%
		Bens no Servisus	152,540	113,567	74.5%
		Transferensias	142,055	97,835	68.9%
		<b>Total</b>	<b>488,024</b>	<b>350,675</b>	<b>71.9%</b>
2	Servisu munisipál saude	Salario no Vensimentos	25,995	22,701	87.3%
		Bens no Servisus	86,902	61,754	71.1%
		Transferensias	-	-	0.0%
		<b>Total</b>	<b>112,897</b>	<b>84,455</b>	<b>74.8%</b>
3	Servisu munisipál Edukasaun	Salario no Vensimentos	65,925	49,128	74.5%
		Bens no Servisus	200,096	32,437	16.2%
		Transferensias	6,075	1,382	22.7%
		<b>Total</b>	<b>272,096</b>	<b>82,947</b>	<b>30.5%</b>
4	Servisu munisipál Agricultura	Salario no Vensimentos	107,800	80,535	74.7%
		Bens no Servisus	47,026	37,248	79.2%
		Transferensias	-	-	0.0%
		<b>Total</b>	<b>154,826</b>	<b>117,783</b>	<b>76.1%</b>
5	Servisu munisipál Obras publika no Telekomunikasaun	Salario no Vensimentos	13,530	12,585	93.0%
		Bens no Servisus	16,798	11,026	65.6%
		Transferensias	-	-	0.0%
		<b>Total</b>	<b>30,328</b>	<b>23,611</b>	<b>77.9%</b>
6	Servisu munisipál de agua saneamentu ambiente	Salario no Vensimentos	24,400	15,054	61.7%
		Bens no Servisus	26,978	13,465	49.9%
		Transferensias	-	-	0.0%
		<b>Total</b>	<b>51,378</b>	<b>28,519</b>	<b>55.5%</b>
7	Servisu munisipál de Jestaun Mercado no Turismu	Salario no Vensimentos	1,080	-	0.0%
		Bens no Servisus	4,342	3,526	81.2%
		Transferensias	-	-	0.0%
		<b>Total</b>	<b>5,422</b>	<b>3,526</b>	<b>65.0%</b>
8	Servisu munisipál de asaun sosial no Jestaun ba Dezastre Naturais	Salario no Vensimentos	3,185	1,810	56.8%
		Bens no Servisus	16,140	12,985	80.5%
		Transferensias	-	-	0.0%
		<b>Total</b>	<b>19,325</b>	<b>14,795</b>	<b>76.6%</b>

#### Fontes : Diresaun Finansas Munisipál Manatuto

##### 4.1.2. Servisus Munisipál Asaun Sosiál no Jestaun ba Dezastre Naturais (Munisipál Manatuto)

Relasiona ho ezekusaun ba DOT Servisu Munisipál Asaun Sosiál no Jestaun ba Dezastre Naturais, diretor relata dezafius ne'ebé diresaun enfrenta durante ezekusaun DOT no orsamentu normal, dezafius hirak ne'e mak hanesan alokasaun husi orsamentu ba manutensaun veikulus (kareta funeráriu), no orsamentu ba sosa kaixaun hodi fasilita populasaun kbi't laek la suficiente hodi atende neessidades populasaun iha munisipiu Manatuto.

1. Alokasaun orsamentu ba manutensaun ne'ebé ho nia montante \$200 dólares Amerikanu kada fulan, kada kareta, ida ne'e la suficiente kompara ho kondisaun kareta, liu-liu kareta funerarius sira ne'ebé ho nia kondisaun grave.
2. Montante alokadu ba sosa kaixaun \$5,000 dólares Amerikanu kada tinan, sai mos prekupasaun ho razaun kondisaun populasau ne'ebé maioria moris iha kondisaun minimu, presiza tebes apoiu ba kaixaun, maibe ho orsamentu ne'ebé limitadu no folin husi kaixaun ne'ebé karun kuaze \$300 dólares Amerikanu kada kaixaun difikulta tebes ba servisu hodi fasilita pedidu husi comunidade.

**c. Diretor Servisu munisipal ba Saude.**

Iha loron 5 Abril 2020 equipa task-force munisipiu Manatuto simu estudante ne'bé fila husi rai liur, no obrigatoriu quarentena iha hotel ne'bé equipa indika hodi sai nudar fatin ba quarentena, ho total ema hamutuk 41 pessoas (30 feto no 11 Pessoas Mane), maibe depois de quarentena liu loron 14 (Sanulu Resin Hat), maibe hasoru problema relasiona pagamentu ba hotel no catering, to'o loron fiskalizaun comisaun C nian, pagamentu refere seidak realiza.

Relasiona Dotasaun orsamentu transitório (DOT) servisu munisipál saúde Manatuto ezejuta montante \$5,500 dólares americanos kada fulan lori responde ba situasaun COVID-19.

Servisu munisipiu Manatuto simu Fundo Covid-19 husi nasional hamutuk \$33,000 mil dólares Americano, tuir item mak hanesan.

1. Selu voluntariu \$5 dólares americanos kada pessoa.
2. Selu equipa ne'ebé hasai sampel triazen iha posto administrativus.
3. \$10,200 mil dólares Amerikanu, hodi selu 34 pessoal voluntario ho nia valor \$300 dólares Amerikanu kada pessoa,
4. Utilizasaun \$1,400 Dólares Amerikanu fornese ba sentru saúde iha posto administrativu hodi halo instala sala izolamentu.

5. Lokal travel ba equipa ne'ebé transporta estudantes ne'ebé quarantine ba munisipius no Posto administrativos.
6. \$3,900 Dólares Amerikanu hodi sosa desinfektant, sabaun no hand sanitizer ba servisu saude munisipál Manatuto.

Husi equipa front line ne'ebé halo nia knar durante estadu emerjensia relasiona pandemia ne'e seidak hetan subsidiu ou direito ba front line.

#### d. Servisu Munisipál Edukasaun

**Tabela 3.**

**Dotasaun Orsamentu Tranzitoriu (DOT) Servisu edukasaun munisípiu Manatutu tuir categoria, Janeiro to'o fulan Maio 2020,**

Kategória	Budget	Real	Saldo	Execução %
<b>Salary &amp; Wages</b>	\$65,925.00	\$49,128.00	\$16,797.00	74.5%
<b>Goods &amp; Services</b>	\$200,095.00	\$32,436.75	\$167,658.25	16.2%
<b>Transfers</b>	\$6,075.00	\$1,382.00	\$4,693.00	22.7%
<b>TOTAL</b>	\$272,095.00	\$82,946.75	\$189,148.25	30.5%

**Fontes: Diresaun Finansas Munisipál Manatuto**

Husi informasaun ne'ebé mostra iha Tabela 3, Relasiona ho ezekeusaun dotasaun orsamentu tranzitoriu (DOT) ne'ebé nia total ezekeusaun **30.5%**, konsidera ki'ik ho razaun prinsipal mak, orsamentu ba

**Programa Merenda Eskolar** durante utilazasaun DOT la konsege ezekeuta. Ezekeusaun ba programa

merenda eskolar ne'ebé nia ezelesaun normal fahe ba faze rua, sai difikuldadade kuandu utilizaun DOT ne'ebé ho karater mensal, ida ne'e hanesan razaun principal servisu edukasaun munisipál Manatuto la ezelesaun programa refere.

Relasiona ho ezelesaun ba kategoria transferênsia publika ne'ebé inklui ezelesaun programa konsensoens eskolar nia persentazen ki'ik, implika husi ensinu aprendizajen ne'ebé pendente durante implementasaun estadu emerjensia. Munisipiu Manatuto reativa ona 40 eskolas no falta 71 eskolas, iha reativasaun eskola ne'e, servisu munisipál edukasaun mos prekupa kona ba utilizaun “**Termo Scan**” ne'ebé sai mos kriteriu ida ba reativasaun eskola, maske ida ne'e ho karater fakultativu maibé nesesidade kada eskola persiza iha.

Kategoria salario no vensimentos ne'ebé nia ezelesaun lolos 90-100%, tambá orsamamentu bazeia ba planu no profile funsionários iha servisu munisipal refere maibe nia ezelesaun to'o deit 74,5% signifika iha funsionarius ou professores balun seidak hetan nia direitu husi fulan Janeiro-Maio 2020.

Laiha autorizasaun no orsamentu ba kapital menor hodi sosa tangki nune'e estudante lori rasik be husi uma hodi fase liman.

#### **e. Servisu munisipál água, saneamento básiku no ambiente.**

Relasiona ho ezelesaun lao normal, maibé servisu SAS hato'o prekusasaun kona ba:

1. Eskola barak iha área urbana kuaze iha ona kanalizasaun be'e mos, maibé hasoru difikuldades ho tangke reservatóriu, ida ne'e sai difikuldades liu-liu relasiona ho planu governu ba reativasaun ensinu aprendizajen, iha área remotas kuaze pior liu, tambá kanalizasaun seidak iha.
2. Servisu SAS sente diskriminado, liga ho subsidiu ba frontliner, ho razaun durante implementasaun estadu emerjensia, funsionarius SAS hala'o nafatin nia knar hanesan institusoens seluk ne'ebé hetan subsidiu.

#### **f. Diretor Agrikultura Munisipál Manatuto**

Covid-19 fo impaktu ba ema, maibé ho implementasaun estadu emerjensia fo impaktu tebes ba fornimentu aimoruk no adubus ba agrikultores, ne'ebé implika ba produsaun agrikultura iha munisipiu Manatuto, Produsaun hare iha Manatuto 6,82 toneladas/**hektar**, Batar 4 toneladas/**hektare** antes estadu emerjensia, maibé depois aplikasaun estadu emerjensia no atakes husi pesti “Ulat Tentara”, atakes ba batar fo impaktu ba produsaun durante estadu emerjensia, no iha mos agrikultor sira mai husu aimoruk ba iha servisu agrikultura maibe aimoruk laiha.

Área potencial ba agricultura iha munisipiu Manatuto kuaze 3 mil hectares, maibe ho kondisaun irigasaun no equipamentus agriculturas ne'ebé ladiak prejudika agrikultor sira hodi halo ekspansaun ba to'os no iha tempu udan sedimentasaun taka irigasaun, maibe laiha osan atu halo manutensaun obriga servisu agricultura husu apoiu husi Companhia sira hodi fasilita eskavator.

#### **g. Diretor MOP**

Liga ho ezekusaun DOT, ladun hasoru difikuldades, maibé kuandu implementasaun estadu emerjensia maioria projetu pendente no foin reativa fali depois estadu emerjensia hotu. Iha pakote projetu 4 ne'ebé lao hela.

### **VII. Konkluzaan**

Durante fiskálizasaun delegasaun Komisaun C hala'o reuniaun ho autoridades Munisipál Manatuto no Komisaun konklui katak:

1. Governo sentral no governo lokal hare fali plano liga ho perfil funcionários iha munisipius hodi nune'e bele iha efisensia ba alokasaun orsamentu liga ho categoria salários no vencimentos.
2. Laiha preparasaun diak husi governu sentral ba iha prosesu desentralizasaun, fo inpaktu ba diresaun servisu munisipál nian hodi ezekuta nia servisu.
3. Implementasaun ba orsamentu COVID-19 hasoru difikuldade tambá laiha plano husi

munisipál no laiha mata dalan ba ezekusaun.

4. Laiha preparasaun diak ba ezekusaun subsidio família, implika ba pagamentu subsidio refere liu-liu ba beneficiariu ne'ebé lolos la merese atu asesu ba subsidio refere.

### **VIII. Rekomendasaun**

1. Rekomenda ba Ministeriu Comersiu no Industria ou instituisaun kompetente hodi halo pagamentu ba dividas ne'ebé halo durante implementasaun estadu emerjensia, no quarantena ba estudante durante implementasaun estadu emerjensia.
2. Rekomenda ba ministério justisa hodi revê fali politika descentralizasaun ho razaun kria direasaun iha munisipiu maibe laiha orsamentu.
3. Rekomenda ba governu hodi halo preparasaun diak molok implementa programa ruma hodi nune'e programa refere benefisia dunia ba populasaun ne'ebé merase sai duni beneficiarius.
4. Rekomenda ba presidente munisipius hodi halo plano ne'ebé diak, ho nune'e orçamento ne'ebé aprovado bele ezekuta ho diak.

### **IX. Aprovasaun Relatório**

Relatóriu visita fiskálizasaun komisaun iha Município Manatuto, le'e no aprova iha loron 20 fulan Janeiro tinan 2021, ho 9 votos a favor, 0 votos kontra no 0 votos abstenção.

Relatora

**Deputada Nélia Soares Menezes**



Presidente Komisaun,

**Deputada Maria Angélica R. da C dos Reis**